



### **Damondas da baghegiar**

Nr. 85/2023

Datum da publicaziun: 02-06-2023

Patrun: Vischnaunca Sumvitg, 7175 Sumvitg

Representant: Biro d'inschignier Deplazes, 7173 Surrein

Liug e parcelas: Surrein-Scatlès; 5158, 6556, 6557, 6572

Object: renovaziun tschaffadas d'aua, nova stiva d'aua, renovaziun  
reservuar existent, nova lingia d'aua tier reit dil provediment d'aua a  
Reits

Nr. 86/2023

Datum da publicaziun: 02-06-2023

Patrun: Degonda Werner, 7176 Cumpadials

Liug e parcella: Surrein-Run; 6818

Object: construcziun d'ina pergola, engrondir e sanar plaz da seser,  
construcziun d'in mir da sustegn

Nr. 87/2023

Datum da publicaziun: 02-06-2023

Patrun: Janka Pauli e Doris, 7166 Trun

Representant: Janka Lucas, 8047 Turitg

Liug e parcella: Surrein-Via Reits; 4794

Object: sanaziun externa e dil tetg, sanaziun parziala interna

Il profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da  
baghegiar Sumvitg enteifer 20 dis dapi il datum da publicaziun.

Sumvitg, 02-06-2023

*Cumissiun da baghegiar*

### **Votaziuns federalas dils 18-06-2023 mira pagina 3 da quest FUS**

**L'urna ei aviarta** (en canzlia communal)

gievga e venderdis mintgamai duront las uras da spurtegl  
dumengia, ils 18-06-2023, dallas 10.00 – 11.00 uras

**Sonda e dumengia, ils 17 e 18 da zercladur 2023 mintgamai avon il survetsch divin en las  
fracziuns.**

Il cedels da votar ein vegni distribui. Tgi ch'ei aunc buc en possess da tals ei supplicaus da  
s'annunziar tier l'administraziun communal.

**Adatg!**

**Il certificat da legitimaziun ei adina da presentar. Tier votaziuns cun posta ei il certificat  
da legitimaziun da suttascriber. Senza suttascripziun ei la votaziun nunvaleivla. Nus  
supplichein da consultar las informaziuns che Vus anfleis sin la cuviarta e sil certificat  
pil dretg da votar.**

Sumvitg, 02-06-2023

*Biro electoral*

### **Radunonza da vischnaunca**

La proxima radunonza da vischnaunca ha liug gievgia, ils 15 da zercladur 2023 allas 20.00 uras a Cumpadials.

#### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 15-12-2022
4. Rendaquen 2022
5. Rapport dils revisurs ed approbaziun dil quen annual 2022
6. Tractaziun ed approbaziun dil project da lavineras per igl uaul da Puzastg e concessiun dil credit brut da 650'000 francs
7. Orientaziuns
8. Varia

Sumvitg, 02-06-2023

*Suprastonza communal*

### **Avis dall'administraziun communal**

Sur Sontgilcrest resta l'administraziun communal serrada naven da mesjamna, ils 7 da zercladur 2023 allas 17.00 uras entochen gliendisdis, ils 12 da zercladur 2023 allas 08.00 uras.

Bien engraziament per Vossa capientscha.

Sumvitg, 02-06-2023

*Administraziun communal*

### **Temps da vacanzas - examinaziun dils documents da viadi**

En paucas jamnas entscheiva il temps da vacanzas. Persunas che visetan tiaras digl exterior ein supplicadas d'examinar a dretg temps lur documents da viadi. Per l'emissiun dils documents sto vegnir quintau cun entochen 15 dis da spetga. Perquei supplichein nus da preparar las vacanzas a dretg temps.

Sumvitg, 02-06-2023

*Administraziun communal*

### **Serrada via Crap Ner**

Muort in tagl da lenna ei la via da Crap Ner serrada naven dil caraun da Salvaplauna Su. La via resta serrada naven da mesjamna, ils 15-05-2023 entochen prevendentamein l'entschatta zercladur. Era las fin d'jamnas resta la via serrada.

Nus engraziein per Vossa capientscha.

Ulteriuras informaziuns survegnis Vus directamein da nies selvicultur Beat Cadruvi (tel. 079 638 18 19).

Sumvitg, 02-06-2023

*Uffeci forestal*

### **Lavurs vid Via Laus (Caplazi tochen sbuccada Via Puzzastg)**

Muort la sanaziun dalla Via Laus naven da Caplazi entochen la sbuccada dalla Via Puzzastg resta la via serrada entochen ils 28-07-2023. Per ils automobilists vegn mess a disposiziun durant il temps da construcziun in parcadi a Laus. Per saver carrar sill'alp Laus per motivs dall'agricultura ni specials astga durant il temps da construcziun vegnir fatg diever dalla Via Puzzastg. Per damondas stat Alexander Deplazes dil biro d'inschignier Deplazes (tel. 081 943 25 60) a disposiziun.

Sumvitg, 02-06-2023

*Departament traffic*

### **Infurmaziun: Impediments da traffic sin la via sursilvana tranter Sumvitg e Mustér**

La Viafier retica exequescha lavurs da fixaziun dal grip e mesiras da protecziun cunter crudadas da crappa sin la via sursilvana en il territori dal Grep da Ferm.

Dals 5 da zercladur fin ils 15 da fanadur datti perquai impediments e temps da spetga fin 30 minutas sin la via sursilvana H19, e quai mintgamai davent da gliendisdi saira fin la sonda en damaun da las 22.00 fin las 05.30.

Per infurmaziuns stat la direcziun locala da construcziun, la firma tur ScRL, a disposiziun sut il numer 078 843 93 84.

La Viafier retica e l'Uffizi da guaud e privels da la natira engrazian per Vossa chapientscha.

Glion, ils 26 da matg 2023    Viafier retica

*Uffizi da guaud e privels da la natira*

### **Societad da tir Vial Sumvitg**

Uonn organischescha la societad da tir Vial Sumvitg puspei il tir campester. Ord quei motiv envida la societad l'entira populaziun dalla vischnaunca sco ulteriurs tiradurs/as ni amitgs dil sport da tir da prender part al tir campester il qual ei gratuits. Ei legras nus zun fetg d'astgar beneventar Vus in da quels dis cheu tier nus a Plaun Petschen. Per il beinstar corporal eis ei era garantiu. **Il tir ha liug venderdis ils 2 da zercladur dallas 18.00–20.00 e sonda ils 3 da zercladur dallas 13.00–15.00. Il tir campester preliminar ha liug venderdis ils 26 da matg allas 18.00–20.00** medemamein a Plaun Petschen.

Cordialmein envida la *Societad da tir Vial Sumvitg*

### **Meisa da miezdi (gentar comunabel)dalla Pro Senectute a Cumpadials**

Pro Senectute Surselva organischescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar comunabel) inagada per meins, mintgamai il venderdis. Igl intent dalla meisa da miezdi duei esser da promover la cumminonza ella vischnaunca da Sumvitg e contuorn denter las personas ella vegliadetgna dalla pensiun.

Liug: Ustria dalla Staziun, 7176 Cumpadials

Datum: **venderdis, ils 9 da zercladur** allas 11.45

Annunzias: Ein da far entochen mesjamna sera tier Ustria dalla Staziun, Cumpadials, tel. 081 943 19 22

## **Apparat d'udida**

Gliendisdis, ils 12 da zercladur 2023 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan communablamein quei survetsch gratuit per tuts interessents. Ei drova negina annunzia.

## **Iudoteca Disentis/Mustér e contuorn**

**Di naziunal da giugs, 3-6-2023**

**Sera da giugs en iudoteca, 7-6-2023**

Mira sut viechnaunca Disentis/Mustér!